

# Kontuola

ANTZUOLA / Egubakoitza / 2004eko urriaren 8a / 217. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

## Lau taldek egin dizkiete iradokizunak Udalak proposatutako arau aldaketari

AINZANE IRIZAR

Arau subsidiarioetan hainbat aldaketa egiteko asmoa dauka Udalak. Aldaketa horien gaineko iradokizunak egin ahal izateko aukera egon da irailean, eta honakoek aurkeztu dituzte euren iritzia: Gertu Gaek, Zutik-ek, Beheko Auzoko bizilagunek eta herritar batek.

Arauen aldaketekin, Udalaren helburua da maristen eraikina zegoen inguruan eta Sagasti auzoan hainbat proiektu egitea: kultura eta gizarte jardueretarako ekipamenduak prestatu eta etxebizitzak eta garañeak eraikitzea.

Aldaketen aurrerapena jendurrean jarri zuen Udalak, herritarrek iradokizunak egiteko. Hiru taldek eta herritar batek aurkeztu dituzte iradokizunak.

### GERTU GAE ETA ZUTIK

Bi talde politiko hauek bat datoz hainbat planteamendutan; besteak beste, gizarte eta kultur etxea maristen eraikina zegoen tokian egin beharko litzakeela; proiektu



Maristen eraikina zegoen inguruko arau subsidiarioak aldatzeko asmoa dauka Udalak.

tuen bideragarritasun ekonomiko ziurtatuko duen txostena egin behar dela; Beheko eta Eguzki auzoetako bizilagunen bizi-kali-

tatearen gainean euren kezka ere erakusten dute. Gertu Gaek dio gizarte etxea hantxe eginda, eta ez etxebizitzak eraikita, bizibe-

rrituko dela inguru hori. Zutik-ek, berriz, Udalaren asmoak betetzen badira, "auzotarrek bizi-kalitatea galduko" dutela dio.

ARTXIBOA

Beheko Auzoko bizilagunek ere idatzi bat aurkeztu dute. Auzoak, Udalak planteatutako proiektuaren ordez, hainbat hobekuntzaren beharra duela adierazi dute, eta oraingo kirol gunea dagoen lagatzeko eskatu. Herriak behar dituen proiektuak aurrera ateratzeko finantziario bide berriak bilatzeko eskatu diote Udalari. Bestalde, Udalak planteatzen duena "dirua erraz" ateratzeko bidea dela adierazi dute.

Udalaren esanetan, euren planteamenduen oinarria da "baliabideen optimizazioa". Herriko ekipamendu nagusien dako tokirik egokiena Sagasti da Udalaren ustez, herri erdian dagoelako eta iristeko erraztasunengatik, besteak beste. Maristen eraikina zegoen moduan eraikitzea, berriz, Beheko Auzoa isolatzea izango litzateke.

Jasotako iradokizun guztiak arauen aldaketa egiten diharduten profesionalen esku laga ditu Udalak; behin guztiak aztertuta, arauak aldatzeko dokumentua idazteko irizpideak eta helburuak zehaztuko dituzte.

## PILOTA

### Herri mailako pilota txapelketarako izena emateko epea zabalik dago hilaren 15era arte

AINZANE IRIZAR

Urtero moduan, Olalde pilota elkarteak eskuz binakako Herri Mailako Pilota Txapelketa antolatzen du.

Bi mailatan jokatu dute txapelketa. Hamabost urtetik gorako edozein herritarrek parte hartu ahal izango du txapelketa horretan, eta hamar euro ordaindu beharko dute. Pilota goxoaren jokatu dute.

Izena emateko epea datorren asteko egubakoitzera arte, urriak 15, dago zabalik. Horretarako, Olalde elkartearen kide hauengana jo dezakezue: Juan Tomas

Erostegi, Balendin Zabalo, Josu Zabalo edo Juan Simon Aristi.

Antolatzaileek oraindik zehazteke dute noiz hasiko diren txapelketako partiduak; dena dela, datak zehazten dituztenean jakinaraziko diete pilotariei.

### GUZTIEK GALDU DUTE

Gipuzkoako Klubaren Arteko Txapelketa jokatzeko dihardute Olalde elkartearen pilotariak. Aurreko asteburuan, nagusiek zein kadeteek, galdu egin zituzten partiduak. Nagusiek 22-8 galdu zuten Oskarbireren aurka; kadeteek, berriz, 22-13, Zazpi-Iturriren aurka.



Iazko txapelketan finalerdiak jokatu zituzten bi bikote.

ARTXIBOA

## LABUR

### Juan Antonio Iturberi 300 euroko isuna jarri diote

Udalak bere proiektuaren herri emateko jendurreko aurkezpena egin zuen urtarrilaren 14an. Herritar talde batek kale agerraldia egin zuen. Herriaren hitza errespetatu zioen pankarta batekin. Ekin-tza hori zela eta, legez kanpo lagatako Gertu Gae plataformako zinegotzi Juan Antonio Iturberi 300 euroko isuna jarri diote. Horren harira, honako adierazpenak egin ditu Gertu Gaek: "Espainiako legediak ezarritako eta EAJk eta EAK aprobetxatzen duten apartheid politikoa gainditzeko egin beharreko guztiak egiten jarraituko dugu".

ELKARRIZKETA

BEATRIZ EGIZABAL/OIHULARI KLOWN TALDEKO KIDEA ETA ANTZERKI IKASTAROKO IRAKASLEA

*“Gorputz espresioa lantzen eta lotsak alde batera lagatzen ikasiko dugu ikastaroan”*

**I**dolaz euskara elkarteak antolatuta, antzerki ikastaroa eskainiko dute urriaren 19tik aurrera. Oihulari Klown taldeko Beatriz Egizabal eta Cesar Marcos izango dira ikastaroko irakasleak. Beatrizekin berba egin dugu guk.

**Zer ikasi ahal izango da antzerki ikastaroan?**

Ikastaro hau ez da, inola ere, antzerkigintza profesionalaren mailakoa izango. Gorputz espresioa lantzen ikasiko dugu, jendearen aurreko beldurrak alde batera lagatzeko, lotsak galtzeko... Dena dela, helburu nagusia da ondo pasatzea. Eta guzti hori, zela, ez, euskaraz.

**Hortaz, ikastaro hori terapeutikoa dela esan dezakegu.**

Terapia hitza oso serioa iruditzen zait, baina, bai, egia esan, terapeutikotik asko dauka antzerkigintzak; izan ere, espazio ireki bat da, gure gorputzarekin jolas egiten dugu antzerkian, eta eguneroko bizitzan egin ezin ditugun gauzak egiteko aukera eskaintzen digu. Hori, noski, terapeutikoa da. Gainera, ikastaroaren helburua ondo pasatzea da, mozo-rotzea, elkarrekin barre egitea,



OIHULARI KLOWN

eta hori guztia ere terapia bat izan daiteke gutako gehienondako.

**Zeini dago zuzenduta?**

Adin guztietako jendeari; umei ez, baina, gainerakoan, interesa duten herritar guztiei. **Zure ustez, aktore sena berezkoa da edo ikasi egiten da aktore izaten?**

Galdera sakona da hori; nik

uste dut ez dela sen berezirik behar. Dena dela, pertsona bakoitzaren izaerak eragin handia dauka; adibidez, badago jendea, eskenatoki baten gainean sentitzen duen beldurra gainditu ezin duena. Baina, berez, gorputzarekin espresatzeko gaitasuna guztiok daukagu. Gero, noski, lan handia egin behar da aktore izaten ikas-

teko, maila teknikoan, batez ere. **Astero izango al dituzue saioak?**

Bai, halaxe da; lau martitzenan elkartuko gara urriaren 19an hasita, bi orduz: 18:00etatik 20:30era, hain justu. Oraindik ez dakigu zenbat jendek eman duen izena, baina, seguru nago ezin hobeto pasatuko dugula.

LABUR

**Erakusketak zaintzeko jendea behar dute**

Udalak antolatzen dituen erakusketak zaintzeko lan-poltsa osatu nahi dute. Erakusketak asteburutan izaten dira, 12:00etatik 14:00etara eta 18:30etik 20:00etara. Interesatuak udaletxean eman behar dute izena.

**Erretiratuek irteera egingo dute Bilbora**

Urriaren 21ean, eguena, Bilbora irteera egingo dute erretiratuek. Hantxe, tranbian ibiliko dira; gero, Trapagara joango dira eta arratsaldean Bilbora itzuliko dira. Txartelak 24 euroren truke jarriko dituzte salgai, erretiratuen elkarteak, hilaren 14an eta 15ean, 18:00etatik 19:30era.

**Nagusiek eta kadeteek galdu egin zuten**

Neskek bina egin zuten aurreko zapatuan, Urkiren aurka. Kadeteek eta nagusiek, berriz, gol zaparradak jaso zituzten; hain zuzen ere, kadeteek 0-4 galdu zuten Aitzgorriren aurka, eta nagusiek 1-6, Legazpi-ko Gaztetxearen aurka.

AIHERRA-ANTZUOLA

**Lasterketaren aurkezpena, Koldo Mitxelengan**

AINZANE IRIZAR

Datorren asteko egubakoitzean, hilak 15, Aiherra eta Antzuola artean egingo duten Lasterketa aurkeztuko dute Donostian, Koldo Mitxelena kulturgunean, herri bietako ordezkariak. Hilaren 18an, berriz, Baionan egingo dute ekitaldiaren aurkezpena.

AEK-k antolatzen duen Korrika izena ez erabiltzearen, Lasterketa izena jarri diote urriaren 29ko ekitaldiari. Urriaren 15ean aurkezpena egingo dute Koldo Mitxelengan, Donostian; hilaren 18an, berriz, Baionan.

Herri bietako batzordeek buru-belarri dihardute lanean, eta hainbat kontu zehaztu dituzte. Hasieran proposatutako ibil-

bidea aldatu egin dute; kostako ibilbidea egin beharrean, Donostialdea eta Goierri zeharkatuko dituzte, errepide zaharretik.

Bestalde, aipatzekoa da urriaren 29an, Lasterketa Aiherratik abiatu aurretik, hitzarmen instituzionala sinatuko dutela Antzuolako eta Aiherrako ordezkariak; izan ere, herri bien arteko anaitasunak 20 urte bete dituen

arren, orain arte, ez da horren gaineko akordio ofizialik egon.

**URRI BUKAERAN ERAKUSKETA**

Lasterketarekin lotuta, urriaren 23tik 30era argazki erakusketa antolatu nahi dute. 20 urte haue- tango argazkiak dituzten herritarrei argazkiok lagatzeko eskatu die Udalak; udaletxera eraman ditzakezue argazkiak.

KIROLA

PARTIDUAK

FUTBOLA

Urriak 9

16:30: Antzuola-Sto. Tomas (Gazteak)

PILOTA

Urriak 9 (Gipuzkoako Txapelketa)

17:30: Olalde-Hernani (Kadeteak)

**zabalo**  
IGELTSEROTZA  
Jose Luis Zabalo  
Kalegoi 9, 1. solairua  
ANTZUOLA.  
Tel. 943 76 60 89  
Faxa: 943 76 60 14

**ZAHAR BERRITZEAK:**  
Fatxadak  
Bainugela eta sukaldea  
Lokal komertzialak  
Teilatuak

**Eta orain....  
GREMIOEN  
KOORDINAZIOA**

SUKALDEKO ALTZARIAK

**Harizki**

MUEBLES  
IGEA

Sukalderako eta bainurako altzariak  
Altzari rustikoetan  
espezializatuak

Zurrategi plaza 4, behea. ANTZUOLA. Tel. eta faxa 943 78 71 80